

Kálag e Hibru Ndibned n kálag

Mod awě atelé enén kálag antel chó áwéd bad bé Krısto nlém a abum áyāl e metake nıme bó donje á bad békúdé'áá adúbe áde béndūbēē Yesuε. Alúmté áte nén aá melě nıme Yesuε ápééné métómé melě nıme ménsēbē abé. Alúmté-'ε áte ámpē nén aá béēhūntē nlém nén bán Dyōb déelónédte akag áde ábágé. A melě mé'sō nıme Dyōb démwēē ne ábē bad mbwiined ne Mosεε, beprise bóó bébágé'áá Dyōb mendε á nló nı bad. Boη bóob, Yesuε mó adé mod a tınté a bad ne Dyōb abé-'ε prise ambáámbáa awe atómé bekal bé'dáádəη bé' bóód, atóm ángel, atóm-mε káəηne Mosεε, áyāle eche yāl chən chóó ámbéé née mendε, ngen póg ne ngen ésyāəl. Hōm áde ádíí Átómténé Asáη tómaa hōm áde beprise bé' bóód bébágé'áá mendε á nló nı bad, mendε nıme ábágé-'ε mékwógnédé.

Nkabtéd n kálag

Krıtəə mó alúmté bad ngáne Dyōb ákóó abé 1.1-

3

Krıtəə atómé ángel 1.4-2.18

Krıtəə atómé Mosεε bó Josua 3.1-4.13

Krıtəə adé prise awě atómé beprise bésyāəl á mbyaa nıme Levi 4.14-7.28

Melě nıme Krıtəə nıtómé melě mé'sō 8.1-9.28

Mendε nıme Krıtəə ábágé nıtómé mendε nıme beprise bébágé'áá bóód 10.1-39

Adúbe atómé chōm ésyāəl 11.1-12.29

Abé áde áwógte Dyōb menyınge 13.1-19

Mekáne mé asóg 13.20-21
Melenten mé asóg 13.22-25

Dyöb áhóbé wée bad mbwiined ne Mwän

¹ Se' bód, Dyöb dénhōb wée ábēd betaa, anláá bekal bé'daédəŋ mam áláa bó. Anhób áwāb ngen ne ngen, ábenléd-te menzii híin áhób áwāb.

² Boŋ á e'pun bé asóg hén, ahóbe wée syánē, álāŋgē awe Mwän mam áláa syánē. Wée ane Mwän dōo Dyöb ápóo boŋ áhəgé' nkoŋ mí mín ne ní sé. Mó-'aá Dyöb átíídé aá mó awóo nhəgtéd ísyāəl.

³ Ane mwän móo adé e'kin-áte bé ehúmé é Dyöb, mó-'aá alúnte syánē ngáne Dyöb ákóo abé. Adíi melemlen née Dyöb-pe adíi. Ngíne e eyale é nsəl échē ane Mwän ebelé mekan mésyāəl mékag á'sō ngáne métəŋgéné abé. Ahúd áde áhúdé syánē á mbéb-te, abelé syánē moosyāəl desáá. Ambíd e nê, andyēé Dyöb á Ngum é ekáá é mbáá ádyöb.

Mwän a Dyöb atómé ángel

⁴ Né-ó, Mwän a Dyöb atómé ángel. Melemlen nê dōo dīn áde Dyöb áchagé mó aá, "Mwän" atómé dīn ádāb á "áŋgel."

⁵ Dyöb déehōbēē wée ángel ké póg mbéd aá, "Edíi awem Mwän, chíi, ndíi sós."
Dyöb déehōbē' aá wée ángel ké póg aá, "Měbē Sáá, mó-'e abé awem Mwän."

⁶ Boŋ Dyöb ádēhób aá mólōme' awe Mwän a'só á nkōŋsé-te, anhób ámpē aá, "Ángel échēm ésyāəl étəŋgéné mó edúbé abe."

⁷ Anhób təŋgene ángel pen aá, "Abelé éche ángel édé née epub.

Echê Angel éche édé ábē bembæledε,
 abélé édii née muú míme íchodne’.”

8 Bonj Dyöb dénhōb tâηγεne Mwān aá,

“A-Dyöb,

wεékamlén á ngíndé ne á ngíndé.

Wεékamlén ábōη bad nyaa echē etâηγένé.

9 Edáθ mam míme métâηγένé, ékō̄-’ε mam míme
 mééboo.

Né-’aá ákás bonj Dyöb, ádonj Dyöb,

áp̄wēd wε ábē etógnén tómaa baásyā̄l ábe
 nyáābō̄ nyédé,

áp̄wēd-τε wε ábē menyīηγε tómaa baásyā̄l ábe
 nyáābō̄ nyédé.”

10 Dyöb áhóbé ámpē aá,

“A-Sán wε-εé ehágé nkōηsé se á mbooted,

nkonj mí mín-νε ndii abwóg áde éhágne échonj ekáá.

11 Abē bwēm é’syā̄l bépě á asóg, bonj wε pen wεébē
 abé ne abé.

Abē bwēm é’syā̄l bémaa áse née mbóté.

12 Wεényag bó áte ngáne bényagεé mbóté,

wεéhηlén-νε bó áte ngáne béhηlanné mbóté.

Bonj wε pen wēbē ebé melemlem, ádōη alongé-’ε
 déewóηgé asóg.”

13 Dyöb déēlāηgēē ángel ké póg mbēd aá,

“Dyεé με é ekáá émbáá hén

káāη ne á póndé eche mébenlé

bonj ékōgtéd ábōη bad bé ekōyí ámin ne mekuu.”

14 Cheé-ō ángel édii? Edii e’dáádηη ábē é’benle
 Dyöb. Dyöb álóme-’ε bó áwóηγεν bad ábe békūd
 e’sóosōη.

2

¹ Né-óó ngáne débíí nímén mekan, detəŋgéné kéchéé éche déwógé nlém asum áyāl ábəl boŋ deépānē' nzii.

² Mekan níme Dyöb dénlā'é ángəl aá éláa ábēd betaa ménwōŋ ngíne. Bad bésyāāl ábe bénkēnhíd nímê mekan, ábe bénkēmbēl-le ngáne nímê mekan méhóbé'áá, bēnkūd nkógsen níme béntəŋgēnnē akud.

³ Chán-nō nyéwémténé bán dehēle debíd nímén nkógsen áte nzé deewōŋne nkalaŋ mí bwám póndé? Mmê nkalaŋ mó-'áá nípεene' enén ndín e e'soósoŋ. Sánjú Yesue mwēn mó asébpé bad akale təŋgene ábén e'soósoŋ. Bad ábe bēnwōg-ke mam nímē ánhōbpē, bēmbēl syánē denyín nén bán médé mbále.

⁴ Dyöb dōmpē dénlūmēd syánē áte nén aá nímē nkalaŋ nídé mbále. Ambəl nê alúmed áde álúmté e'chemléd, mekan mé menyáké ne menyáké híin. Anlúmed nê ámpē ne mekan nímē bad bēbélé'áá á ngíne e Edəádəŋ éche Esáá éche Dyöb démbéé bó. Dyöb démbē bad Edəádəŋ éche Esáá ngáne éboŋnéde mó.

Ane awě alyágte syánē ákud e'soósoŋ

⁵ Saké ángəl chóó Dyöb ábánné aá ékamlén nkōŋsé mékōlē nímē séhóbéé bán mēpě.

⁶ Boŋ éténlédé hōm ahóg á kálag e Dyöb pεn nén bán,

“A-Dyöb, cheé moonyoŋ ádíí awě éwōŋné póndé? Cheé mwān a moonyoŋ ádíí éche ékээ boŋ énoé mó?”

⁷ Ayāl e esōŋ é póndé, wembēl enkēmpaá ángəl. Wembané mó á atii dé ehúmé ne edúbé.

8 Wembě mó ngíne ákamlɛn chõm esyāāl.”

Abɛ adé ébágé mó ngíne ákamlɛn chõm esyāāl, álũmte’ bán chõmchõm éesaá éche éesě ásē e nkamlɛn nímē. Kénéé édíí-’aá nê, deenyínéé bɔɔb nén bán chõm esyāāl édé ásē eché.

9 Boŋ denyíne’ ngáne Yesuɛ ádíí. Ayāle esõŋ é pónde Dyõb dêmbeł enkẽmpaá ángel. Bɔɔb, Dyõb ábágé mó ehúmé ne edúbé nées kãŋ ayāle metake nímē ákúdé ne kwééd eche áwédé. Dyõb álũmté syánē nímē nsimé awé áde Yesuɛ áwédé á nló mí bad bésyāāl.

10 Bwẽm é’syāāl é’díí é’ Dyõb, mó-’aá anõne’ bó. Ngáne édíí nén bán Dyõb áhede’ aá bad híin békud etāl ábé ábe bán, békud-te ehúmé, embē mboŋ nén bán ábel mod awě ásalé bó nzii ákud metake. Nê déběł ákwognéd ábé mod awě áběł boŋ bad békũd e’soósoŋ.

11 Yesuɛ awě abele’ boŋ bad bésáŋ, ne bad ábe bésáá, bó moosyāál bédii bán bé Sáá nhóg. Né-’aá ákás boŋ Yesuɛ eekwágé’ áchæg bó aá baányanŋ.

12 Eténlédé nén bán anláá Dyõb aá,
 “Mɛélāā ábêm baányanŋ ngáne ádoŋ dĩn ápédé abé.
 Měkěŋ wɛ nzé syāābɔɔ sêłádné hõm ahóg.”

13 Anhób ámpē aá,

“Mɛésũm nímêm nlém ne Dyõb.”

Anhób-pe ámpē aá,

“Mɛ nén, syāābe bán ábe Dyõb ábágé mɛ.”

14 Ngáne édíí nén bán ábê bán bé Dyõb bédii baányonŋ ábe béwóó ekob é yāl ne mekií, Yesuɛ ámpē antéd yāl e moonyonŋ nées bó. Ambel nê ábel boŋ kwééd eche ánwēē ébóded ngíne eche Satane awě abele’ boŋ bad béwág.

15 Awé áde ánwēē áhúdé bad á mehanj ábe bémbē betān á alonǵé ádāb ásyāēl áyāle mbwǵg ní kwééd.

16 Enyínnédé bwām nén bán saké ángel ánhyéé awōngēn. Boŋ ampě áwōngēn bad bé mbyaa míme Abrahamε.

17 Né-ǵó éhédnádtaá nén bán Yesuε ábê melemlem néε baányonj á menzii mésyāēl ábel boŋ ábê prise ambáámbáa awě awóó nlém ní ngǵl, abé-ε mod awě béhele bésuŋm nlém áyā. Abele áde ábenléé Dyǵb, ábélé Dyǵb álagsan bad mbéb.

18 Ngáne édíí-'aá bán mwēn antǵg, ákūd-te mekǵgēn, awōngan bad nzé bédé á mekǵgēn-tê.

3

Yesuε atómé Mosεε

1 Né-ǵó a-baányan, nyé ábe Dyǵb áchénlé ábē ábē bad, nyénǵne' Yesuε. Mó adé mbapεε awě Dyǵb álómé, abé-'ε Prisε ambáámbáa a mekan míme séhóbé bán sēdúbpé.

2 Dyǵb dēmpwēd mó, ábenlé-'ε Dyǵb ne nlém nhǵg melemlem ngáne Mosεε ábenlé'áá Dyǵb ne nlém nhǵg á abum á ndáb á Dyǵb.

3 Mod awě alóó ndáb, bébelé bébe mó edúbé tómaa ndáb eche alóó. Melemlem nê dǵǵ Yesuε ákwǵgnédé ákud edúbé éche étómé edúbé éche Mosεε.

4 Ndáb téé ewóó mod awě alóó chǵ. Boŋ Dyǵb dǵǵ alóó chǵm ésyāēl.

5 Mosεε abédé mbǵledε á abum á ndáb á Dyǵb, awě abēnlé'áá Dyǵb ne nlém nhǵg, álūmtē' bad mam á'sǵ é' pǵndé míme Dyǵb débēnlé.

6 Yesu Krǵstǵǵ pεn abédéε Mwǵn a Dyǵb, ákamlán-ne abum á ndáb á Dyǵb ne nlém nhǵg.

Syánē ámpē dedíi bad bé abum á ndáb á Dyöb nzé édé nén bán dedé décháñnéde, desumé-’ε nlém ne chöm éche débééné kúmbe, éche désúme-’ε nlém áyāl.

Elébé ne bad ábe béedúbpe

7 Né-ῶ, nyéwôg chöm-έε Edáððəñ éche Esáá éhóbé. Ehóbé aá,

“Chii nén nzé nyéwógé ehób é Dyöb,

8 nyéewúéné’ Dyöb nló áte ngáne ábēn betaa bēnwūēnnē Dyöb nló áte á pónde echē bēnkunnénnē Dyöb yāl.

Bēnkunnén mó yāl

á pónde eche békágé mó é ehyānge.

9 A ehyānge wê, bēnkǎg mε,

bényín-νε mam míme mbéle é etūn é móom mé mwě méniin.

10 Nê dōc dēnkǎñ boñ níñin ene nyonǵel e bad boñ nhób mεé,

‘Awab nlém-tê, bétamnad,

béehídē-’aá nzii echēm.’

11 Né-ῶ, menlīñ, mmwé-’ε melě mεé

‘Béésónlé áwēm abwóg dé nkóme-áte mbéd.’ ”

12 A-baányañ nyétéd pónde ábel nyé modmod nyéewóó nlém mé mbéb míme méedúbpe’ Dyöb, ábel boñ nyéētēdté Dyöb áde áde á alongé.

13 Boñ pεn nyéwéde’ nhóg ne aníníi nlém á abum epun téé, ngáne échē epun échágnéde bán “Chii”, ábel boñ mbéb méedogé nyé modmod áwúen Dyöb nló-áte.

14 Syánē dedíi mod nhóg ne Yesu Krístəə, nzése delyágé decháñnéde káññ ne á asóg ne mekan míme désébpé adúbe tâñǵene Dyöb.

15 Demaá anyín nén bán éténlédé á kálag e Dyöb nén bán,

“Nzé nyêwógé ehób é Dyöb,
nyéewúéné’ Dyöb nló áte

ngáne ábēn betaa bēnwūēnnē Dyöb nló áte á
póndé eche bēnkunnénné Dyöb yǎl.”

16 Benzébádé bēnwōg ehób é Dyöb boŋ békunnén Dyöb yǎl? Abê bad bésyāāl, saá bad ábe Moseε ámbīdēnnē á Egipto bēbédé-yε?

17 Benzébádé Dyöb dēnliín-naá é etūn e móom mé mwé méniiin? Saá bad ábe bēmbel mbéb bōo bēnnaá ndim é ehyánge-yε?

18 Benzébádé Dyöb démwēē melě aá béesónlé áwe abwóg dé nkóme-áte mbêd? Saá bad ábe békēmbēl ngáne áhédé’áá-yε?

19 Né-ṣó, denyíne’ nén bán, bēnkēnhēnlé asól áyāle bēnkēndúbéé Dyöb.

4

Nkóme áte míme bad bé Dyöb békudté

1 Ahób áde Dyöb dénhōbpē aá syánē dēsāl áwe abwóg dé nkóme-áte ádíi étyéémé. Né-ṣó détéđ póndé ábēl boŋ nyé modmod eebóó’ asól áhed.

2 Syánē ámpē dewógé nkalanj ní bwām melem lem ngáne bōmpē bēnwōgkē. Bēnwōg nímē nkalanj ní bwām boŋ ménkēnwōngénné bó ne awōngēn dēn áyāle nén, bēnkēndúbéé mó.

3 Bōob-pṣó, syánē ábe dedúbpe nímē nkalanj, desóle’ ádé abwóg dé nkóme-áte. Boŋ ne bad ábe bēédúbpe pen, Dyöb dénhōb aá,

“Menliŋ, mmwé-’ε melě nén mēé,

‘Béesónlé áwēm abwóg dé nkóme áte mbêd.’ ”

Anhób nê, kénéε édíí bán ammäđ míme nsón amad se áde áhágé nkõjsé, abwóg dé nkóme áte dëmmäđ-te abé.

⁴ Eténlédé á kálag e Dyõb tâηgene epun éche élónténé epun saámbé nén bán, “Dyõb dëmmäđ míme nsón. Né-óó ankómé áte epun éche élónténé epun saámbé.”

⁵ Eténlédé á kálag-tê wê ámpē bán Dyõb áhóbé aá, “Béesónlé áwēm abwóg dé nkóme-áte mbêd.”

⁶ Né-óó, etál édií ébágnédé donje á bad ásól á hõm dé nkóme-áte. Boη bad ábe bēnwōg nkalanj mí bwâm se’ bōóđ, békēnhēnlé asól, áyāle nén békēmbēnlé mekan míme Dyõb dénlāá’é bó aá bēbēl.

⁷ Nê dēmbēl, Dyõb dēmpwēđ epun émpēe, áchāg-ke chó aá “Chii.” Anhób nê etūn é pónđé ámbīđ echē ábēđ betaa bēnkēmbēnlé ngáne ánhōbpē aá bēbēl. Anhób nê mbwiined ne e’yale ábe Dabide ábe mímáá nyé atele nén mēé,

“Chii nzé nyēwógé ehób é Dyõb,

nyéewúéné’ Dyõb nló-áte.”

⁸ Nzé émbē nén bán hõm áde Josua ânkeénné bad dōó dēnkõj hõm dé nkóme-áte abé, né ámbīđ e pónđé Dyõb dénkēnhóbpé tâηgene epun émpēe.

⁹ Né-óó hõm dé nkóme-áte áde áde nēηgáne nkóme-áte míme Dyõb dénkōmēē áte áde ámáá nkõjsé ahāg ályágé ásine ábē bad.

¹⁰ Kénzēé awē asólé á abwóg dé nkóme-áte á Dyõb, akōmme áte áyāle amadé míme nsón, melemlem ngáne Dyõb dénkōmēē áte áde ámáá nkõjsé ahāg.

¹¹ Né-óó syánē déwan áte désól áde abwóg dé nkóme-áte, ábel boη syánē modmod deebóó asól

áhed. Deehídé' mekuu níme bad ábe bénkêmbël ngáne Dyöb dénhōbpē.

¹² Debíí nén bán Eyale éche éhúú ne Dyöb, édé alongé, édé-'ε ngíne. Ekóbpē' tómaa páá e nsəl míβε. Esóle' mod áte kááh se á mbom rí ngob e yǎl ne edǎádǎh. Esóle-'ε mod kááh se á mebóh mé yǎl ne á e'hid-tê. Echê eyale écheme' mewêmtεn mé mod ne kéchéé éche mod áhedεé abel.

¹³ A e'só é' Dyöb, chōmchōm éesaá á e'koñéd. Chōm ésyāāl édé á tâl e ékwée. Dyöb dǎ-'aa déttǎngéné mekan mésyāāl níme débελεé aláa.

Yesue adii ndale e prise ambáambáa

¹⁴ Né-ǎó, ngáne déwóó Prise Ambáambáa, Yesue Mwǎn a Dyöb, awé akíí ámín á'sō é' Dyöb, déchǎhned adúbe áde désúme nlém áyāl.

¹⁵ Awesyánē Prise Ambáambáa asóhnténé mechínzé nímeēd, áyāle nén mómpē ankūd melemlen mé mekǎgsen níme dékudεé á menzii mésyāāl, boñ kénê, enkênbenlé mbéb.

¹⁶ Né-ǎó ne e'sum bé nlém désíde benben ne atii dé nkamlen á Dyöb áde ábage nsimé. Deewógé mbwóg ké nhóg. Débél nê ábel boñ Dyöb áwóg syánē ngǎl, ábāg-ke syánē nsimé níme méwōhngān syánē pǎndé tée eche déttǎngéné nwōhngen.

5

¹ Prise ambáambáa tée awé Dyöb ápwédé áfínté e bad, ápwede mó ábele mó á dín áde ábê bad. Ane prise móo akobe' mende wée bad boñ ábage mó wée Dyöb née nde ne mende ábel boñ Dyöb álagsen bad mbéb.

² Ahēle bad yāl acheden ábe bépane' nzii áyāle béēbīí' é chōm éche bébeléé áyāle nēn mwēn ámpē adīi moonyon awē awóó mechínzé mé ngob e yāl.

³ Nê ábélé atāngéné néε ábagéé mende káāne áyāl e míme mbéb mēn, ábagé-'ε áyāle mbéb mí bad.

⁴ Modmod mwēn eéhēlēē-se ábe yāl edúbé é prise ambáámbáa. Dyōb dōo ápwede' mod ábé prise, melemlen ngāne ámpwēdté Arone.

⁵ Melemlen nê dō-'aá Křistāe mwēn énkēnchágédté yāl ábé prise ambáámbáa. Dyōb dōo dēmpwēd mó. Dyōb dénlāā mó aá,

“Edīi awem Mwān.

Chii ndīi Sóó.”

⁶ Nê adé á kálag e Dyōb hōm démpēe bán Dyōb dénlāā mó aá

“Wēébé prise abe ne abé,
néε Melkizēdege.”

⁷ Ade Yesue ábédé á nkōjsé, akánné'áá, áchāa Dyōb, áchyéé' awé á ngīne, mēsod mébīdē' mó á mīd. Akánné'áá wēε mod awē ahēle ásōn alongé ádē. Dyōb dénwōg mó mekáne áyāle anwōn mbwóg ní Dyōb áte.

⁸ Kénéε ábédé Mwān a Dyōb, an'yágé áwōgen Dyōb mbwiined ne metake míme ánkudté.

⁹ Dyōb dēmbēl ankwognéd abé-'ε prise ambáámbáa awē akwōgnédé, ábel bad ábe béwōgne mó békud e'soóson ábe é'dé á ngīndé ne á ngīndé.

¹⁰ Dyōb dēmbané mó á atii aá mó adé prise ambáámbáa néε Melkizēdege.

Elébe ábel mod étedté adúbe

11 Nwóó mam híin áhób tâṅgene ádén atón. Elénlé me áte ngáne mébenlé boṅ nyésóṅtén mó, áyāle nén nyéewámsánné dyam asóṅten.

12 Nhóbe nén áyāle nén nyéntāṅgén bad abé bəəb abe báyāgte' bad bémpee. Boṅ nyédii nyéhednad ámpē bán mod áyāged nyé mam míme nyēmmadté abíi tâṅgene nkalan ṅ Dyöb. Nyédii nyédé néε bán bé nkáál abe béhednad abii saké ndyééd.

13 Kénzée awě adii amwáa' abii, ádii néε nkáál. Eébíí'ε mboṅ ne mbéb.

14 Ndyééd pen edii áyāle bad abe bémáá akwog. Mod ambáá adii mod awě ayāgké, awě aměnténé-ε mboṅ ne mbéb ábii.

6

1 Né-óó dékεene adúbe á'sō nēṅgáne bad abe bémáá dyam abii. Deetāṅgenεé néε détédeé pónde ámpē áyāge mam míme bēn'yāgēdté syānē tâṅgene Krístə se á mbooted. Demmād ayāge, debíí-ε nén bán bad bētāṅgéné békúné mbíd, bētēdē abel dé mekan mé mbéb míme mēpεene' kwééd. Demmād-te abii nén bán bētāṅgéné Dyöb adúbe,

2 báyāgtē bad tâṅgene edusen* ne tâṅgene abán á bad mekáá á nló. Debíí-ε nén bán bētāṅgéné bad ayāged tâṅgene mpuu ne tâṅgene mbakú e nkáásé eché ěbē abé ne abé.

3 Deétdté mímén mekan. Dékag á'sō nzé Dyöb ábágé etál.

4 Nhóbe nén áyāle nzé bad bētēdté ádab adúbe, mod ééhēlē-ε ápēēn bó ámbíd ámpē, bētēdē

* **6:2 Edusen:** eché edusen énkēmbáá edusen éché bédúsánnáá bad abe bédúbpé Krístə bēnpen. Bad bé Israel bómpē bēnwōṅ elem éche bédúsánnáá bad, bédúsán-ne bwēm bémpee.

mímab mbéb bétimēn Dyöb. Nhóbe bad ábe bēnkūd e'nyínēn bé ekíde, bēwóglēn nnam í Dyöb, békūd-te Edəádəŋ éche Esáá née bad bēmpēe.

⁵ Bēwóglēné e'boŋ bé eyale é Dyöb, bényín-ne ngíne echě ěbē á pónde eche Dyöb dékamlénné.

⁶ Nzé ábē bad bémáá'-ε mímē mekan anyín boŋ bétíme bétédte ádab adúbe, mod eéhēlēē-se ápēēn bó ámbíd ámpē átēde mbéb áhíd Dyöb. Abán áde bébáa'é Mwān a Dyöb áyāl, ébelé ébé byánán bēbomme' mós á awəg ámpē, bēkwāgtē'-ε mós á'sō é' bad bēmpēe.

⁷ Ndəəb eche mbúú éyógké achóoted boŋ mendíb mésól ásē, ebele bwēm é'kwog bwām. Abē bwēm é'belé é'wōŋgān bad ábe bēwéné bó. Né álúmtē bán Dyöb ánamte' ene ndəəb.

⁸ Boŋ nzé ene ndəəb ekwoŋte' mekōd ne e'sum bé mbéb bēmpēe, né eésaa dyaŋ de abelēn. Né káəŋ ne á asóg béhyāād-te chó.

⁹ A-baányan, kénēε ílāŋgēé nyé nēn, ndúbpé nēn mēé nyēbele' mekan nyaa eche nyékudté mekan mé bwām mé e'soóson.

¹⁰ Dyöb ábele' mímē mekan nyaa echě etāŋgéné. Eéchatánné nsón ké nhóg míme mod ábélé, échatán-naá edəŋge éche mod álúmté mós ngáne nyédii nyébenléé bad bé Dyöb bēmpēe.

¹¹ Mmēd nlém ídii nēn bán nyé mod téé nyébē nyéwōŋ ene kán káəŋ ne á asóg ábel boŋ nyékude' chōm ésyāāl éche nyésúmé nlém áyāl bán Dyöb débε nyé.

¹² Sééhēdēē bán nyébē bad ábe béehédé chōmchōm abel. Boŋ séhēde' bán nyébē bad ábe bēhíde' mekuu míme bad ábe bēwesān áyāle

bédúbpé Dyöb. Echê ndín é bad éküď chõm ésyāā́l éche Dyöb áhóbé aá mósǎbě bó.

Dyam áde Dyöb áhóbé déehidtéé ásē

¹³ Se' bōōd áde Dyöb dénhōbpē aá mósǎbēlé Abrahame dyam, ammwé melě aá mótāngēnē áde akag alóned. Ade dñn dēn dōō ámmwēēnnē melě áyāle nēn modmod eebédēé awě atómé mó awě áhélé'áá-se amwé melě áwe dñn.

¹⁴ Anhób aá,

“Nhóbé nēn mēé, ntōngéné we anamed,
mǎbēl-le nímōñ mbyaa nībūū áte
bwāmbwam.”

¹⁵ Abrahamē anwēsén ásūm-me nlém, né-ōó anküď chõm éche Dyöb dēmbēēnnē mó akag.

¹⁶ Nzé mod amwāg melě abenlad dñn áde mod awě atómé mó. Mpenten ké nhéé-'e nímě bad bēwōó'é, melě móó méyānle'.

¹⁷ Dyöb áhédé'áá ábē bad ábe ámbēé akag alúmed áte nēn aá, mósóhúdté dyam áde mósóhóbé ásē. Né-ōó amwé melě ásógtēn akag áde ábágé.

¹⁸ Né-ōó Dyöb ábágé syānē mekan mébe nímě méehāñlān áyāle Dyöb déehelélé-se ákal metóm. Abagé syānē akag, amwé-'e melě. Abelé nē ábel syānē awě dekií áwē ábel ákāā syānē, déwōñ e'wéd bé nlém, dēsum-me nlém ne mekan nímē áhóbé aá mósǎbě syānē.

¹⁹ Abē e'lyāg bé nlém é'dií nēe chõm éche ébélé alongé ádēd ásúmnédé, ákoñnéd-te. Ebē e'lyāg bé nlém bōō békāñ boñ detóm abad dé mmwē ámñn, dépe á abwōg á hõm áde ásáá wēe Dyöb ádíí.

²⁰ Yesue mó asébpé asól áhed á nló nímē syānē áboñsen syānē e'dií. Bōōb atimé prisē

ambáámbáa awêd awě adé á ngíndé melemlem
néε Melkizεδεγε.

7

Melkizεδεγε abédé Prisε

¹ Melkizεδεγε abédé kâη e dyad á Salem, abé-'ε prisε a Dyõb á Ngum. Ambomén Abrahamε áde Abrahamε áhúé'ε á bel ábe ánwū'ε kâη é bad, ánāmēd-tε Abrahamε.

² Abrahamε-'ε ábe mó akab á bwēm ahóg átínté mekab mé bwēm dyóm míme ánhūēnnē á bel. Dyam dé'sō, dīn á Melkizεδεγε á ehób é Hibru ádíi bán, "Kâη eche ebele mam míme ítánǵéné." Atón áde álónténε mébe ádíi bán "Kâη e Salem," awě adé "Kâη e nsaj."

³ Eetenledεé hõmhõm nén bán Melkizεδεγε anwõη sáá, ké'ε mbyaa. Béetele-'áa ngáne béchyáá mó, ké'ε ngáne áwédé. Adii prisε á ngíndé ne á ngíndé melemlem néε Mwän a Moonyon ádíi Prisε á ngíndé ne á ngíndé.

⁴ Nyénõne-õó nyaa e ndale e mod echě Melkizεδεγε ábédé. Abrahamε, sáá ambáá awêd, ambě mó akab ahóg átínté e mekab mé bwēm dyóm míme ánhūēnnē á bel.

⁵ Mbéndé e Mosεε ebagé kunze nén bán bad bé mbyaa míme Levi ábe bédé beprisε békobe' akab á bwēm ahóg átínté e mekab dyóm téé, wée ábāb bad bé Israel, kénεε émbēē bán bõmpē bébédéε mbyaa míme Abrahamε.

⁶ Melkizεδεγε enkēmbídté á mbyaa míme Levi, bon kénê ankõb akab á bwēm ahóg átínté e mekab dyóm wée Abrahamε. Annaméd-tε Abrahamε, Abrahamε awě Dyõb dēmmadté akag abε.

⁷ Ebyééné nén bán mod awě anamte' mod atómé mod awě anámte.

⁸ Bəəb-pəó, prise éche ébídé á mbyaa míme Levi ábe békobe' akab ahóg átíntê e mekab mé bwēm dyóm, bésyāal bédíi baányonj ábe bėwāg. Bonj Melkizεδεγε awě ankōb akab ahóg átíntê e mekab dyóm, adii mod awě eewéde, ngáne kálag e Dyōb élūmtéé.

⁹ Dehele dehób bán Levi awě akobé'áá mekab wée bad mwēn ámpē abagé akab wée Melkizεδεγε mbwiined ne sáá ambáá Abrahamε.

¹⁰ Dehele dehób nê áyāle nén, áde Melkizεδεγε ákíi Abrahamε abomen, né béēchyāā'é Levi.

¹¹ Dyōb dêmbě bad bé Israel éche mbéndé á pónde echě bad bé túmbé e Levi bėbédé beprise á alonj á Israel. Nzé nsón míme ábê beprise bėbélé'áá ménkwognéd ábel bad bėkobned á'sō é' Dyōb, né nzəm enkēmbáá echě prise ampée ábídéé née Melkizεδεγε awě eebíde á mbyaa míme Arone.*

¹² Nzé mpwεdtéd mé beprise ríhəŋléné túmbé, né mbéndé chímpē etəŋgéné ahəŋlen.

¹³ Mod awě ríhóbεé nímén mekan áyāl, ambíd á túmbé empée. Modmod eébidē-'áá awe túmbé mbéd awě abelé nsón míme prise.

¹⁴ Ebyééné bwām nén bán Səŋgwéé awêd ambíd á túmbé e Juda. Mosεε enkētúbpé dīn nén áá beprise bėbíđ á túmbé e Juda.

Yesue adii née Melkizεδεγε

¹⁵ Dyam ádě déhóbé təŋgene ahəŋlen á mbéndé ábúdé anyinned ne abíd áde prise ampée ábídé née Melkizεδεγε.

* **7:11 Arone:** Arone ambíd á tumbé e Levi. Mó abédé prise ambáambáa e'só e bad bé Israel.

16 Saké mbéndé é baányon chōó émbël bonj abé prisε. Bonj adé prisε áyāle awóó ngíne ábé á alongé abé ne abé.

17 Eténlédé á kálag e Dyöb nén bán,
“Edíi prisε á ngíndé ne á ngíndé,
melemlem née Melkizεδεγε.”

18 Nzé denəné pεd póg, Dyöb ásídté mbéndé é’ bōód á nkəg, áyāle énkēnwúú’ é áte, énkēnkwógnéd-taá.

19 Debíi nén bán mbéndé eébēlēē-se chōmchōm ébé ngáne étəngéné abé. Nzé denəné’ ε pεd enínií, chōm é bwám épédé échē ékás bonj dewōŋ e’lyág bé nlém. Chó-’aá épεεne syánē bεnbεn ne Dyöb.

20 Dyam démpēe áde débíi ádíi nén, Dyöb démwē melě aá Krīstəə äbē prisε abé ne abé. Bonj áde bēmpwεdté beprisε bēmpēe, Dyöb dénkēmmwáá melě ké nhóg.

21 Bonj áde Dyöb ápwédé Yesuε prisε, anhób aá,
“Sāngwéé amwédé melě,
éehúd-taá mímə melě ásē,

aá,
‘Edíi prisε á ngíndé ne á ngíndé.’ ”

22 Mmə melě mélúmte nén bán Yesuε mó adé e’chemléd äbē é’lúmte syánē nén bán melě míme Dyöb ámwédé méehidtéé ásē.

23 Beprisε bé’ bōód bēmbuú áte áyāle nén kwééd ebélé’áá béehēle’ aá nsōŋ akεεn á’sō.

24 Bonj ngáne Yesuε ádíi á alongé abé ne abé, äbē prisε á ngíndé ne á ngíndé.

25 Né-óó, Yesuε akwögnédé ásonj alongé á bad ábe bēpag wée Dyöb áwe mbíd. Akwögnédé ásonj bó ne asonj ásyāēl áyāle nén, adé á alongé póndé ésyāēl ákānned bó.

26 Ehédnádtaá nén bán déwōŋ ene ndín e prisε ambáámbáa awē asáá, mod éhēlēē se ahób mó

awusé ké hóg áyāl, eewóó'é atón á mbinde ké hóg á yāl, awě apágnédé bad bé mbéb áyāl, bébānē-'é mó ámīn e atii dé nkamlɛn ámbáá.

²⁷ Eesaá nées beprise ábíníí ábe bétáŋgéné bébage mendɛ epun-té. Abê beprise bésébpɛ mendɛ abɛ áyāle nímab mbéb, boŋ bébage mendɛ áyāle mbéb mí bad bémpē. Boŋ Yesue ambɛ yāl nées mendɛ áyāle mbéb mí bad. Amběl-le nê ngen póg ne ngen ésyāāl.

²⁸ Mbéndé epwɛde baányoŋ ábê beprise bémbáámbáa. Baányoŋ bébele' mewusé. Boŋ Dyōb dēmpwěd awe Mwān ne melě áde ámáá mbéndé abɛ. Abelé-'é ane Mwān akōbnédé á ngíndé ne á ngíndé.

8

Yesue mó adé syánē prise ambáámbáa a melě mékōālē

¹ Atón áde sékoo'é ahób ádíi nén; dewóó ene ndín e prise ambáámbáa awě adyéé é ekáá émbáá é atii dé nkamlɛn á Dyōb á Ngum ámīn.

² Abɛnle' Dyōb wées bwēm ábê é'sáá é'díí á hōm áde ákóó ebem é Dyōb abé. Sáŋ Dyōbɛ mwèn móó alóó échê ebem, saké baányoŋ.

³ Bépwɛde prise ambáámbáa téé ábe Dyōb ndɛ ne mendɛ mé elém. Né-óó, anén prise ambáámbáa mómpē atáŋgéné chōm awóŋ éche ábéé Dyōb.

⁴ Bōob-póó, nzé émbē nén bán ambé á nkōŋsé, né éebáá prise ne abé dēn, áyāle nén beprise bédé ábe bébage Dyōb mendɛ ngáne mbéndé éhɛdɛé.

⁵ Nsón míme ábê beprise bébeleé rídíi nées e'chemléd ne ediídingɛ é' mekan míme médé ádyōb. Debíí nê áyāle nén, áde Mosɛɛ ahóbé áá

mólōo' ebem é Dyōb, Dyōb dénsim mó etúu áte aá, “Nyín nén wée mólōo chōm ésyāāl á yāl e échē ebem nyaa e nlōntéd eche rílúmté wε á mbōod mīn.” ⁶ Boη bōob, nsón nīme prise nīme bébágé Yesue rítómé nsón nīme ábē beprise bé' bōód. Melemlem nê dōo nchemten nīme Yesue ápééné átínté e Dyōb ne ábē bad, rítómé nchemten mé'sō nīme bēmpéenné, áyāle nén, Dyōb ábágé bad akag aá mōóbě bō bwēm é' bwām.

⁷ Nzé émbē nén bán melě mé'sō mēnkwoǵnéd ábel bad békobned á'sō é' Dyōb, melě mémpēe méehednad-taá.

⁸ Boη Dyōb dényīn awusé ne ábē bad, anhób-pe aá,

“Me Sāngwée nhóbe' nén meé e'pun é' bīn é'húe áde mémwēē melě mékōālē
ne bad bé Israel
ne bad bé Juda.

⁹ Mmē melě méebáá née melě
nīme mémwēē
ne ábāb betaa
áde ríchāǵgé bō á ekáá
boη mbídén bō á alon á Egipto.
Bénkēnhídté nīmē melě.
Né-ōó, menhúd bō dīd áyāl.

¹⁰ Dyōb áhóbé ámpē aá,
Me Sāngwée me-éé nhóbe'.
Bōob-pōó melě nīme mémwēē ne bad bé Israel
á pōndé echě ehúe' á'sō médii nén:
Mābēl bēbíí échēm mbéndé,
béwōǵ-'ε nlém áhíd chó.
Mēbē ádab Dyōb,
bō-'ε bēbē ábēm bad.

¹¹ Bō modmod éeyágédté waáb,

modmod éeláá-'áá mwănyan nén aá ábíi Dyöb,
 áyāle bó moosyāól bēbīi mε,
 bootya bésad, kááη ne bémháá.

¹² Μεέlagsén nímab mbéb,
 méekamtén-naá nímāb mewusé.”

¹³ Ahób áde Dyöb áhóbεé tâηgene melě mékōōlē,
 álūmte' nén bán abelé melě mé nchun ítómé
 pónδέ. Chōm kéhéé éche étóme pónδέ, éche
 échune-'ε, mwămpīn ní pónδέ éebáá ámpē ne abé
 dēn.

9

Abēle á Dyöb dé ekob é yāl ne abēle á Dyöb dé Edáádāη

¹ Bōōb-pōó, kááη ne melě mé'sō ménwōη mbéndé
 éche bēhídé'áá ábele Dyöb, bēnwōη-ge abwóg á
 hōm á nkōηsé wēε bēbénlé'áá Dyöb.

² Bénlōη ebem éche énwōη toη éβε. Toη echē
 embé á'sō béchágé'áá chó bán Hōm áde Asáá. Atii
 dé etrukáη ábédé áwēd-te, tébelε abé, ne ewele
 éche bēbágé Dyöb mende.

³ Abad démbē áde ákábé toη e'só ne toη embíd
 áte. Ene toη eche ebédé ámbíd e abad béchágé'áá
 chó bán Hōm áde Atómténé Asāη.

⁴ A toη-tē wē, menyán níme bēbénlé gōl níme
 béhyānté'áá e'twé ámīn áβε Dyöb edúbé mébédé
 áhed. Ntyág níme béchágé'áá bán ntyág mé melě
 mōmpē nóbédé áhed. Mmē ntyág bēnkūtēn mó pεd
 ésyāāl ne gōl. A ntyág-te wē, apom á gōl áde ábédé
 mána áte abédé áwēd-te. Ntōη níme Arōne níme
 ménkāg byaá, nóbédé áwēd-te. E'pεd é' meláá é'βε
 ábe bēntenlé mbéndé áyāl bōmpē é'bédé áwēd-te.

⁵ A ntyág mĭn wê, bwëm é'béde é'be, ábe bébéle á nwágén ní ángel, ábe é'lúmté'áá ehúmé é Dyöb. Mepab nĭme ábê bwëm ménkütĕn ebéd é ntyág wêe ábéde hĕm dé alagsen dé mbéb. Boĭ ábê bwëm é'syāĭl deéhēlēē-se dékoĭ bó ahób bōob.

⁶ Bémáá'áá chĕm ésyāĭl anabe boĭ, beprise bésóle á toĭ é'sō epun-té bébelé' nĭmab nsón.

⁷ Boĭ prise Ambáámbáa mwĕmpĕn mōo asóle á toĭ echē edé áte. Asóle áhed mwĕ-té ngen póg. Eesóléé mbéd áde éewanléé mekií mé nyam ábe Dyöb mende áyāl e mbéb nĭmē ne ní bad bémpĕe, nĭme bébelé ésebán bébíí bán bébéle mbéb.

⁸ Edāōdāĭ eche Esáá ébele nĭmén mam álúmed syánē áte nĕn áá, abenled áde dédíi débenladté ebem é nkōĭsé, ábéle nzii eesaá syánē āpe á Ebem éche Esáá wêe Dyöb ádíí.

⁹ Echē ebem élúmtē mekan nĭme mébenlad chii. Elúmtē syánē nĕn bán ndē ne mende mé nyam nĭme bad bébágé'áá Dyöb, méehelēē-se mébel nlém nĭme mod awē abage mende se níkéle á abum.

¹⁰ Mmén mbeltéd nĭsyāĭl nĭnōne' dāsō adyé á ndyééd, amwé á mĭm ne nyaa é mekan émpĕe híin echē bad bébéle'áá ásáad yāl. Mmē mbeltéd rdíi mbéndé e ekob é yāl ngĕn, éche émaá á pōndé eche Dyöb dénabéé mam mésyāĭl.

Mekii nĭme Yesuē mōo médē ndē echē esáá

¹¹ Krĭstāō amaá ape. Mōo adé Prise Ambáámbáa a mekan mé bwām nĭme mémáá ape. Abele nĭme nsón á ebem éche étómé ebem é nkōĭsé, élón-ne mbom tómaa ebem é nkōĭsé. Saké baányoĭ bélóó echē ebem. Eesaá ebem éche édé á nkōĭsé.

12 Ade Yesue ásólé á ebem-tê wê, ansól adê Hõm áde Atómténé Asán ngen póg ne ngen ésyāēl. Saké mekií mé mbód ne mé nyag ânkeénné áwēd-te âbe mende. Bon nímē mekií mēn mōo ántēdtē. Ambenléd mó ákōde syánē á mbéb-te âbel débē á alongé á ngíndé ne á ngíndé.

13 Ngen e'só, bétédédé'áá mekií mé mbód ne mé nyag, bétéd-te mbúmbú é etum é nyag éche béhyánté, bémwagtáád bad á yāl ábe béésáa á'sō é' Dyōb, âbel bésán.

14 Nzé édé nén bán mekií mé nyam méhele méwōn ngine âbel bad bésán, né élúmte nén bán mekií níme Krīstæ méwóo ngine bwāmbwam, eche ehēle esáád bad. Abagé eche yāl eche eewóo mbéb ké nhóg née mende, ákōde syánē moosyāál. Ambel nén á ngine e Edāádān éche Esáá éche édé á ngíndé ne á ngíndé. Mmē mekií mōo mésānte syánē nlém á abum âbel nén deébēlē mekan mé mbéb níme mépiinéd syánē kwééd. Bon pen detāngéné Dyōb dé alongé abele.

15 Né-'áá ákóó bon Krīstæ abé mod atíntē a melē mékōlē âbel nén bad ábe Dyōb ápwédé békud nnam níme mébē abé ne abé. Mmē nnam mōo Dyōb áhóbé áá mōōbē ábe bad. Kwééd echē Krīstæ áwédé chō ekāá bon nén ábenlad. Eche kwééd ekōdtē bad ásē e mbéb níme bēmbenlé áde melē mé nchun médii mékámllánnáá bō.

16 Bōab-pōó, melē médii née nlyáge. Póndé ké ehéé áde mod alyágkéé, étāngéné alúmed nén bán mod awē abele nímē nlyáge amaá awé bon béhīdē chōm éche ályágké.

17 Nén ádé áyāle nén, á póndé echē mod áwédé dōo níme nlyáge mbággkē ngine. Méēbāggkē ngine á

póndé eche mod awe abelé nímê nlyáge ádíí adé á alonjé.

18 Nê dǒǒ ákǒǒ boŋ ké melǧ mé'sǒ níme Dyǒb démmwēē ne baányon ménkênwón ngíne ésebán mekií mésyǒgke.

19 Se' bǒǒd, Mosēē anláá bad mbéndé ésyāāl éche Dyǒb dénhǒbpē aá bad béhíd. Ade áamáá bó aláa, antéd mekií mé nyag ne mé mbód, ákumtén ne mendíb. Ambēnléd ngen e bwēl é' hísǒb ne nyon é mbód éche éyǒge', ámwagtéd nímê mekií á kálag eche mbéndé ébéde áte, ámwagtéd-te bad á yǎl.

20 Ade áamáá nímê mekií amwagted, anhób aá, “Mmén mekií mǒǒ mélúmte' nén bán melǧ mé Dyǒb méehǎnlánné.”

21 Melemlem nê dǒǒ Mosēē ámmwagtédte nímê mekií ámín e ebem é mendē, ne ámín e bwēm é'syāāl ábe bébēnládtáá ábe mendē.

22 A mbále, émbē nén bán á mbéndé, chǒm ké éhéé éche bémwágtédé mekií áyāāl chǒǒ bad bétédé'áá bán ésáá. Mbéb-pe méewóó'é alagsen ésebán mekií mésyǒgké.

*Krīstǎa eche yǎl echē ábágé
néē ndē chǒǒ ehúde mbéb*

23 Né-ǒǒ, nén dǒǒ dēnkǎŋ boŋ ebem é nkǒŋsé né bwēm é'syāāl ábe é'dé áwēd-te bésāŋtē bó ne mekií mé e'lém. Abē bwēm é'syāāl é'bédēē nwágen mé mekan níme médé ámín níme mékǒŋté abé. Boŋ ábē bwēm ábe é'dé ámín, bēntāŋgēn néē bésāŋtēé bó ne mekií níme métómé mekií mé e'lém.

24 Krīstǎa enkēnsónlé Hǒm áde Ásáá áde baányon bǒbó bébélé, áde ádé á nwágén á hǒm áde ákǒŋté abé. Adyǒb dēn dǒǒ ânkeé asól. Ankǧ-'ē áwed nēŋgáne mod awē ahóbpe' syánē wēē Dyǒb.

25 Enkênkaá-'aá áwed âbe yǎl née mende ngen ne ngen. Enkênkâa nêḡgâne prise ambáambâa ákagké mwě téé á Hõm áde Atómténé Asán âbe mende mé mekií mé elém. 26 Nzé née émbēē, né Krīstæ antánḡén née átagéé ngen ne ngen taase nkõḡsé míbootad. Boḡ ch'-'e énkêmbâá nê. Krīstæ ampě ngen póg ne ngen ésyāāl bōob áde nkõḡsé ríkagké ape á asóg. Ambě eche yǎl nêḡgâne mende áhúd mbéb mí baásyāāl.

27 Nê dōo moonyoḡ asyāál átánḡéné awé ngen póg, boḡ ámbíd e pónde ákud nkáásé rí Dyõb.

28 Melemlem nê dōo Krīstæ ábágé eche yǎl ngen póg ne ngen ésyāāl áhúd mbéb mí bad hiin. Apě-'e ngen eche élónténé ébe, saké áhúd mbéb mí bad, boḡ apě ásoḡ alongé á bad ábe bésine mó.

10

Krīstæ ábágé eche yǎl ngen póg ne ngen ésyāāl

1 Mbéndé eche Dyõb dêmbeé bad bé Israel ébédeé ngên nêḡgâne nwágén mé mekan mé bwám míme méhúe' á'sō. Echê mbéndé éhelélé-se ékoḡ syánē alúmed ngáne míme mekan mébēē. Beprise bébage' Dyõb mende abe ne abe, mwě ne mwě-té. Chán-nō échê ndín é mbéndé eche bébageé échê ndín e mende éhèle ébēl bad ábe bédé benben ne Dyõb bésáḡ? Ehelélé.

2 Nzé émbē nén bán behélé'áá, né bénkênsógké Dyõb mende abe-ye? Né bénsōḡ áyāle nén né bad ábe bébage Dyõb mende bésáá'áá ngen póg ne ngen ésyāāl, né béetage'áá-'e áte bán bebélé mbéb.

3 Boḡ míme mende mēn-eé métímé mékamtan bad mwě ne mwě téé nén bán bebélé mbéb,

⁴ áyāle nén mekií mé nyag ne mé mbód méehelée se méhúd mbéb mí bad mbéd.

⁵ Nén dǎ-'aá dēnkǎḡ boḡ áde Krīstǎ ápedé á nkōḡsé-te aláá Dyōb aá,

“Saké mendε ne ndε éhedεé.

Ebōḡséné me yǎl e moonyoḡ echē mébeé we née mendε.

⁶ E'lém ábe béhyánté á menyán,

mendε-'ε ámpē míme bad bébagεé we áhúd mbéb mí bad,

béēwōgtēē we menyīḡge.

⁷ Dǎ-'aá ríhóbεé meé,

‘Me nén A-Sáḡ,

mbōḡséné ábel ngáne éhedεé

melemlem ngáne éténlédé áyāl echēm á kálag echōḡ.’ ”

⁸ Ansébé ahób aá, “Saké mendε ne ndε éhedεé saá-kaá e'lém ábe béhyánté á menyán áhúd mbéb mí bad é'wōgte we menyīḡge” kénéε édífí nén bán bad bébélé'áá mímén mekan ngáne mbéndé e Mosεε éhedεé.

⁹ Ambé ambád aá, “Me nén A-Sáḡ, mbōḡséné ábel ngáne éhedεé.” Né-ǎó, Dyōb ásídté mendε mé' bǎód á nkǎg ábel boḡ átímed mendε míme Krīstǎ.

¹⁰ Akwētēn áde Yesu Krīstǎ ákwénténé ábel ngáne Dyōb áhedεé boḡ ábe eche yǎl nēḡgáne mendε, ábélé syánē desáá á'sō é' Dyōb ngen pǎg ne ngen ésyāāl.

¹¹ Nsón míme beprise bé Israel rídíi átyéem ábe Dyōb mendε mehǎg ne mehǎg epun téé. Mmén mendε mó-'ε méehelée se méhúd mbéb mí bad mbéd.

12 Boŋ Krīstəə pən abagé mendε mehóg míme mēwóó ngíne áhúd mbéb mí bad ngen póg ne ngen ésyāāl. Ambíd enê, andyεé Dyöb á ekáá émbáá.

13 Ahed-taá ádyéé ásin póndé echě Dyöb débenlé boŋ ákəgtéd ábē bad bé ekəyí ámīn ne mekuu.

14 Ayāle mendε mehóg mwēmpən míme ábágé, abelé bad ábe áhúdé mímab mbéb bésáá nyaa eche elóné mbon.

15 Edəádəŋ éche Esáá chómpē élúmté syánē áte nén bán nê ádé mbále. Enhōb áá,

16 “Sāŋgwéé ahóbé áá

‘Mmén melě móó syāābōó sémwēē

á póndé echě ehúε’ á’sō.

Měběl bēbíí échēm mbéndé,

míbel-le ngáne bēechaténné chó mbéd.’ ”

17 Anhób ámpē áá,

“Méekamtén-naá mbéb

ne mewusé mímāb ámpē.”

18 Dyöb áamáá bad mbéb alagsen. Mendε ké mehóg méesaá ámpē míme bad bétəŋgéné abε ákud alagsen dé mbéb.

Syánē dépe benben ne Dyöb

19 Né-əó, a-baányəŋ dewóó kunze ásol ádé abwóg á Höm áde Atómténé Asəŋ.

20 Yesuε adībnédé syánē nzii e ekóólé echě epεene’ alongé abε áde ábágé eche yāl. Eche yāl edé nēŋgáne abad áde dénkəŋ syánē əpε wéε Dyöb ádíí.

21 Syánē dewóó ndəle e prisε awě anəne’ bad bé Ndáb e Dyöb.

22 Né-əó, syánē désíde benben ne Dyöb ne nlém nhóg, désum-me nlém ísyāāl áwē. Nén ádé áyāle mekií míme Yesuε ásyógé á awəg, mébélé nlém

ńkénlé syánē á abum, awǒbpé-’ε syánē ne mendíb míme méśáá áte.

²³ Déwêd adúbe áde dedúbpe achâñned, désu-me nlém áhed, áyāle dedúbpe nén bán Dyǒb áde ábele dyam áde áhóbé aá móǒbēl, éche ehób éehūnēē á ndǒb.

²⁴ Dénǒn ngáne déhele dewéd nhóg ne aníní nlém á abum, ábel dedǒn débēle-’ε mekan mé bwām.

²⁵ Deebág bán deébōmēē pónde ésyāal ngáne donge á bad bébeleé. Boñ pen débê déwéde’ nhóg ne aníní nlém á abum, tanje bǒb áde nyényínēé bán Epun éche Sǎngwéé ápeé édé benben.

²⁶ Nzé dedíi deko’ mekan mé mbéb abel áde démáá mbále abíi, né mende ké mehóg méesaá ámpē míme méhūd míme mbéb.

²⁷ Boñ nzé mod adii akoo’ mbéb abel, né mbwóg móǒ mébē mó áte nén aá Dyǒb dékwid mó nkáá é Epun é Nkáásé. Béhyāad mó á ebonde é muú é ngíne échē éhyāad bad ábe bétāngan Dyǒb.

²⁸ Kénzēé awē eehíde’ mbéndé eche Mosēē, boñ bad bébe ké’ε beláán bebíd mbóñ nén bán eehídeé mbéndé, bébelé béwúú mó, béewōgēē-’ε mó ngǒl.

²⁹ Nzé mod-te eetéde Mwǎn a Dyǒb née dyam, eetéde mekií mé melē mé Dyǒb míme mébélé boñ asán née dyam, ásyā-’ε káñne Edǎdǎñ eche epeene nsimé, né chán nkógsen míme ene ndín e mod ríhele mbé?

³⁰ Debíi mod awē anhób aá, “Mékógsen bad. Mētimtén bó áyāle mbéb míme bébélé.” Anhób-pe ámpē aá, “Sǎngwéé ákāad ábē bad.”

³¹ Edé ebébtéd ne kénzēé awē ahúné á mekáá mé Dyǒb dé alongé ákud nkógsen.

³² Βοη nyēchatán ngáne nyēmbēē-sε á mbooted áde nyékúdé e'nyíεν bé ekíde. Ene pónδέ, kénéε nyênkudté metake mé ngíne, nyênkanη nlém.

³³ Pónδέ ebédé echē bad béwógté'áá nyé e'són á'sō é' bad, bétagté-'ε nyé. Dοηγε á pónδέ ámpē nyēbágé'áá ne bad ábe békúdé échē ndín é metake.

³⁴ Nyēwēnnádtáá bad ábe bēmbē á mbwog. Ké áde bēndummé nyé bwēm, nyēmbé nyēbé menyíηge, áyāle nyēmbíí nén bán nyēwóó bwēm ábe é'tómé nē ábe bēbē abé ne abé.

³⁵ Né-ωó, nyébē nyēwēd nlém á abum, áyāle nén Dyōb ábage nyé nsábe níme ríchábé ámín.

³⁶ Nyētáηgéné awεεεη ábel nén nyébel ngáne Dyōb áhεdεé, nyékud-te chōm éche Dyōb áhóbé áá móōbē nyé.

³⁷ Eténlédé á kálag e Dyōb nén bán,
“Mwámpín mí pónδέ,
mod awē atáηgéné απε, άπε,
éebébed-taá pónδέ.

³⁸ Abēm bad ábe bēbεle mekan níme métáηγένé
bēbē á alongé áyāle bédúbpé ábēm e'yale.
Βοη πεη kénzεé awē atímné mbíd,
méewógénné mó menyíηge.”

³⁹ Syáné πεη deésaá nyaa é bad éche étimén mbíd ébóó-'ε. Dedíi bad ábe bédúbpé Dyōb, békúdé-'ε e'soósoη.

11

Adúbe

¹ Adúbe ádíi áwóη nlém wεé móōkúd chōm éche mósumé nlém áyāl. Amad nén wεé chōm éche móōnyínnē díd ékóó abé.

² Adúbe áde bad bé' bɔ́d béndūbēē Dyöb dɔ́ dēnkǎŋ boŋ Dyöb ábéén bó menyinŋe.

³ Adúbe dɔ́ akáá boŋ desóŋtén nén bán eyale é nsəl chɔ́ Dyöb áhágne nkǎŋsé. Né-ɔ́, bwēm ábe dényinneé díd é'húú ne chǔm éche déenyinnēē díd.

⁴ Adúbe dɔ́ dēnkǎŋ boŋ Abele ábe Dyöb mende mé bwám míme méntōm míme Keene ámbéé Dyöb. Adê adúbe dɔ́ dēmbəl boŋ Dyöb ábéén mó menyinŋe née mod awě abele mekan míme métǎŋgéné. Nén dényinēd ne akob áde Dyöb dēnkobpé mende míme Abele. Adúbe dɔ́-'áá akáá boŋ, kénéé áamáá awé, abé álāŋgē bad mam.

⁵ Adúbe áde Enəge dɔ́ dēnkǎŋ boŋ eenyinne' kwéed díd. Boŋ pen Dyöb dēnkēén mó ámín, bēnkēnyín-naá mó ámpē. Eténlédé nén bán, byánán Dyöb dékēén mó ámín, abelé'áá mekan míme méwógté'áá Dyöb menyinŋe.

⁶ Modmod eéhēlē-sɛ awógéd Dyöb menyinŋe áde éedúbpeé Dyöb. Nén áde áyāle kénzée awě ahede ape benben ne Dyöb, atǎŋgéné adúbe nén áá Dyöb áde, adúbe-'ɛ áá Dyöb désābē bad ábe béhede mó abíi.

⁷ Adúbe dɔ́ dēnkǎŋ boŋ Noa awógén Dyöb áde Dyöb dénlā́'é mó mam míme mébenléd á'sō é' pónde. Kénéé édíi bán pónde eched enkēnyínēné míme mekan díd, ambəl ngáne Dyöb dénlā́'é mó. Anlónŋ bǎle é'mbáámbáa. Awēd-te dɔ́ bɔ́be áde abum á ndáb bénsānlē békūd-te e'soosonŋ áde mendíb ménlōnnē nkǎŋsé áte ísyāal boŋ chǔm ésyāal éhó. Abel áde Noa ámbenlé nê, dénlūmēd bán mbeltéd ní bad bé nkǎŋsé íde mbéb. Adúbe pen áde Noa ánwōŋgē dēmbəl Dyöb déntēd mó née mod awě abele mekan míme métǎŋgéné.

8 Adúbe dǎo dĕnkǎŋ boŋ Abrahame awógĕn Dyǒb áde Dyǒb dĕnlāā'ĕ mǎ aá áhide á dyad wĕe ábédé, áke hǒm démpĕe á mbwǎg eche Dyǒb dĕmboŋsĕnné mǎ abe. Anwógĕn Dyǒb ákĕ-'e, kĕnée énkĕmbíí'ĕ wĕe ákagké.

9 Adúbe dǎo dĕnkǎŋ boŋ áke ádyĕĕ á mbwǎg echĕ Dyǒb dĕnlāā'ĕ mǎ aá mǎhǎbĕ mǎo mǎoĕe mǎ. Ambé áwed née nken. Aisige bó Jakǎb bǎmpĕ bĕdyĕĕ'áá á e'bem-tĕ. Dyǒb dĕnlāā bǎmpĕ melemlen ngáne ánlāā'ĕ Abrahamĕ.

10 Abrahamĕ adyĕĕ'áá á e'bem-tĕ wĕe á sine' pǎndé eche ádyĕĕ'ĕ á dyad ámbáá áde ásumnéde, áde Dyǒb dĕn átíde boŋ alón-'e.

11 Adúbe dǎo dĕnkǎŋ boŋ Seraa abé nkg kĕnée ámmadté kǎd e achád atóm. Andúbé nĕ áyǎle andúbé aá, nzé Dyǒb áhǎbĕ aá mǎoĕĕl dyam, abelé alóned dǎ.

12 Né-ǎo, kĕnée Abrahamĕ ámmadté achun bwámbwam nyaa echĕ éhele'aá-se achyáá mwǎn, nchyáátĕn rísyǎl ménhūū ne mǎ. Mmĕ nchyáátĕn mĕmbuú áte nĕngáne betintine ábe bédé ámĭn, mĭbūū-'e áte nĕngáne nsíí nĭme rídé á nkǎg mé edíb é nkŵĕ, nĭme béehĕléé-se bétón.

13 Abĕ bad bé' bǎod, bĕnwōŋ adúbe kǎŋne á kwéed. Kĕnée bĕn bĕnkĕnkudté chǒm éche Dyǒb dĕnlāā'ĕ bó aá mǎhǎbĕ mǎo mǎoĕe bó, boŋ bĕnnyĭn ábĕ bwĕm nchabnede bĕwógĕn-ne bó menyĭnge. Bĕnkĕmbán-gaá ahǎb bǎn bédíi beken ábe béewóo hǒm áde bĕdyĕĕ'ĕ á nkǎŋsé-te.

14 Bad ábe bĕhǎbe échĕ ndín é mekan bĕlúmtĕ nĕn bǎn bĕhĕde hǒm áde bĕchǎgké ádáb.

15 Nzé bédíi bĕkámtnáá wĕe bĕmbídtĕ, né bĕnhĕd nzii átim ámbíd.

16 Boḡ bēntīm béhédé dásō mbwóg éche eboó, nédē mbwóg e ekombe é mīn. Né-ṓó, Dyōb déēkwāgnēē bó nzé béchágé mó bán ádāb Dyōb, áyāle amaá bó echab mbwóg aboḡsen.

17 Kénēē édīí nēn bán Abrahame mós Dyōb dénlāā'é aá bán bébuú mó áte, adúbe dós denkǎḡ boḡ abé mboḡsén âbe Aisige awē abédé míme mpom ní mwān nēē mende áde Dyōb ákágé mó.

18 Aisige mós Dyōb dénlāā'é Abrahame aá, “Mbwēen ne Aisige dós ncháátén míme ílángé wē meé wēkūd mébīdtē.”

19 Abrahame andúbé aá Dyōb áwóó ngíne âpuud ké mod awē amaá awé. Né-ṓó, dehele dehób bán Abrahame ankūd Aisige ámbīd áde ápúúdé.

20 Adúbe dós denkǎḡ boḡ Aisige ahób aá Jakōbe bó Esao békūd nnam pón dé éche ehúē' á'sō.

21 Ade Jakōbe ádíí benben ne kwééd adúbe dós denkǎḡ boḡ ánāmēd mwān-téé awē Josebe. Anwúlén á ntóḡ míme átōmnéé, ábe Dyōb edúbé.

22 Ade Josebe ádíí benben ne kwééd, adúbe dós denkǎḡ boḡ ahób á'sō é' pón dé aá bad bé Israel bébīd á Egipto. Dó-'aá denkǎḡ boḡ alágtén ngáne bétāḡénéé míme ndim abel.

23 Adúbe dós denkǎḡ boḡ Mosee sáá bó nyan békōō mó á etūn é ngōn éláán áde bémáá mó achyáa. Bénnyīn nēn bán Mosee aboó elóon bwāmbwam, bēnkēmbāḡ-gaá âbóo mbéndé éche kǎḡ éntōmēdtē.*

24 Adúbe dós denkǎḡ boḡ áde Mosee áamá akwōḡ, enkēnkwentén aá béchəge mó bán mwān

* 11:23 Kǎḡ e Egipto entóméd mbéndé aá bēwúu bán bé baachóm bésyāāl ábe béchyáá ekóólé ábe bédé mwē níbe átimé áse.

awě mwän a mmwaád awe kâḡ e Egipto.

²⁵ Ankwēntén âkud metake ne bad bé Israel tómaa âwóg bwâm á mbeltéd mé mbéb-te á esón é pón dé.

²⁶ Ne mós, annyín nén aá âkud akwágké á nló míme Ane-awě-Bésinéé, á dé nsábe míme rítómé nhon ní Egipto rísyāāl. Ambel nê áyāle asiné'áá nsábe míme Dyöb débéé mós á pón dé echě ehúé'.

²⁷ Adúbe dós dēnkăḡ bon Mosεε áhídē á Egipto ésebán abáá' meliḡá míme kâḡ e Egipto. Ankanḡ nlém abé áke nēḡgáne mod awě anyíne Dyöb áde mod éēnyínnēē díd.

²⁸ Adúbe dós dēnkăḡ bon atíi Ngande e Nnyíme-ámín. Anláá bad aá bémwagted mekií á mmwε mé e'kob ábel bon nzé ángel e Dyöb epedé áwúu bán bé'sō, eewúé' bán bé'sō bé bad bé Israel.

²⁹ Adúbe dós dēnkăḡ bon bad bé Israel béchābē edíb é nkwě éche béchəḡεé bán Edíb é nkwě éche Eyəḡe'. Bēnchabé chí byánán békag á ndəəb mín. Bon áde bad bé Egipto béhóbé bán bómpe béchabe, bēnhō.

³⁰ Adúbe á bad bé Israel dós dēnkăḡ bon e'ké ábe bēnləḡnéd dyad á Jeriko é'kwē áde bad bé Israel béhyómnéde bó epun saámbé.

³¹ Adúbe dós dēnkăḡ bon akwalεε awě béchəḡé'áá bán Rahabε enkēnwé áde bad ábe bēnwūēn Dyöb nló áte bēnwēē. Nén dēmbenléd áyāle ankōb bad bé Israel nken áwe ndáb, áde bélómé bó áhye dé anon dyad áte á mesəəm-té.

³² Mbê níkag á'sō-yε? Pón dé eésáá echě níhele nláá nyé mam áyāle bad nēḡgáne Gidionε, Baragε, Saamsinε, Jeftaa, Dabidε, Samwεε ne bekal bé edəədəḡ bésyāāl?

33 Adúbe áde ábê bad dáo dênkǎŋ boŋ bétóm meloŋ áte níme bós̄b̄ōō bēnwǎn bel. Bélyágté'áá bad ábe bēbédé ásē echáb nyaa echě etáŋgéné. Bēnkūd-ε bwēm ábe Dyōb dénhōbpē aá mós̄b̄ε bó. Bēnkāŋ nsəl rí ngii.

34 Béndīmēd e'bonde é' muú. Bém̄b̄id á mekáá mé bad ábe bēhédé'áá bó páá awúen. Kénéε á mbooted bēnkēnwōŋgé ngíne boŋ Dyōb dēmbě bó ngíne, bēbédéε sánze é ngíne bēwanne' sánze é meloŋ mémpēe, éche sánze étōmē' mehélé.

35 Adúbe dáo dênkǎŋ boŋ doŋge dé bebaád ányín néε ábāb bad ábe bēm̄m̄ād awé bétímé ámb̄id á alongé.

Doŋge á bad pen bēnkūd mbéte káōŋ bēwé. Bēnkēnkwenténné Dyōb abán á yǎl ábel bétεde bó. Bēm̄bel nē áyāle bém̄b̄i bán bēpuú békūd alongé áde áde bwām tómaa dé nkōŋsé.

36 Doŋge démpēe dēnkūd metake, awel áde bad bēwéláá bó, bēbōmé-'ε bó. Bēnhǎŋ doŋge bēhé-'ε bó á mbwōg.

37 Doŋge ábédé áde bēnwūēnnē meláá, bēmpēe-'ε bésél bó áte e'sōŋ é'be. Bēnwūēn bēmpēe páá. Abē bad bēwáá'áá e'kob é'mbód bēhyōmne'. Bēbédéε betóótōkē bé bad, békudé' metake, békudé-'ε ndutul á mekáá mé bad bé ekoyí.

38 Eehednád-taá bán bad bé bwām néε bó bēbē á nkōŋsé mé mbéb wén. Bétámnádtáá á ehyáŋge ne á mbōōd mín, bēdyéé' á e'láá-tē ne á e'lóm-tē.

39 Adúbe áde ábê bad bésyāāl dênkǎŋ Dyōb ábén bó menyīŋge. Boŋ ké nē, bēnkēnkudté chōm eche Dyōb dénhōbpē aá mós̄b̄ě ábē bad.

40 Nén démbē áyāle Dyōb dēm̄mad atíi aá mós̄b̄ě syánē chōm échě étómé chōm éche ánhōbpē aá

mó̄bε bó. Antífí nén aá, nchoo ne syánē dǎo ábê bad békwoǵnédté áwe e'só.

12

Dyǒb dǎo áde syánē Sáá

¹ Ngáne édíí-'aá bán enén ndun e mod elǎǵnéde syánē edé-'ε mbón, tǎǵene adúbe áde déwóó, detǎǵéné desidéd kéchéé éche ékáǎ syánē nzii á nkǎg, détdē-'ε mbéb míme ríháá syánē. Detǎǵéné néε dékáá nlém ányǎged mehélé míme Dyǒb áhóbé aá dényǎged.

² Detǎǵéné néε désúme mǐd wéε Yesuε mwën, áyǎle mó alyǎgte syánē áwónǵ adúbe. Mwën-naá áwónǵen syánē káǎǵ dépid-te dó á asóg. Ankwentén áwé kwéed e e'són á awǎg, enkéntéd-taá áde akwǎgké néε dyam ábel nén ákud menyǐǵe míme Dyǒb ákǎǵnéde mó. Nê ábélé-'ε bǎb, adyéé á ekáá é mbáá á atii dé nkamlen á Dyǒb.

³ Nyékamtén ngáne Yesuε ánkwenténné metake akud á mekáá mé bad bé mbéb ábe bēnkǎó mó. Nyékamtén míme metake ábel bon nyéekǎmé', nyéedūlé-'ε mekuu ámbíd.

⁴ Nzum eche nyéwanéé ábóded mbéb, eépédéé ndǎgke eche nló nímēn ríhele rítóm.

⁵ Nyééchatán e'yale ábe Dyǒb dēmbenlédte áwéd nyé nlém á abum, achǎg áde áchǎgké nyé aá ábe bán. Anhób aá,
 "A-mwǎn, nzé Dyǒb ákǎnné wε áte áyǎle mbéb míme ébéle,

etéd míme nkáne áte néε dyam dēn.

Nzé Dyǒb ákǎǵséné wε, yǎl eehóó' wε áte.

⁶ Bífí nén wéé mod awě Dyǒb ádáá, móo ákǎnnéé áte.

Mod awě átédé née awe mwän, móo ákógsanné.”

⁷ Né-óó nyéwεsen nímê nkógsen áyāle nén, rílúmte nén bán Dyōb átédé nyé née ábe bán. Mwän ahéé adé awě sáá éékógsannē áyāle awusé áde ábélé?

⁸ Nzé nyéēkūdē nkógsen áyāle mbéb míme nyébélé ngáne bán bé Dyōb bésyāāl békudεé, né nê álúmte' nén bán nyéēkoo'ε bán bé Dyōb abé. Né nyédii bán ábe béchyáá á asón.

⁹ Nzé ábēd besáá bé nkōηsé béhele békógsēn syánē áyāle mbéb míme débélé, débagé-'ε bó edúbé, né detáηgéné Sáá awēd awě adé ámīn edúbé abe tómaa nē, ábel débê á alongé.

¹⁰ A esón é pónde dóo ábēd besáá bé nkōηsé békógsanné syánē, kéchán áde ébóηnéde'-ε bó dóo bébeléé. Dyōb πεn ákógsan syánē áwóηgen syánē ábel nén débê bad ábe bésáá ngáne mwēn ámpē ásáá.

¹¹ Á pónde eche dékúde nkógsen, dewóge mbéb áte, deewógéé bwám. Boη ámbīd e pónde, kénzéeé awě nímê nkógsen r'ýágté debyéeé, ábelé abé nsaj, ábelé-'ε mekan míme métáηgéné.

¹² Né-óó, mekáá míme mēmmad nyé achii áte, nyéwéd mó áte. Nyéēmwāg-ke σε mekuu mésāgē nyé ásē.

¹³ Nyébê nyéhíde' nzii echē etyéémé ábel nén bad ábe bésyágte', béenabpé eped atim, boη bédyεε bwám.

Elébé áwógen Dyōb

¹⁴ Nyéwan áte ábé nsaj ne moosyáál. Nyéwan-ne áte ámpē áwóη abé áde ásáá, áyāle ésebán mod asáá, ééhēlēε-σε anyín Sáηgwéeé.

15 Nyényín nén bán nyé modmod nyéebóó'é nsimé ní Dyöb akud. Nyényín-ne nén bán nyé modmod nyéesaá nêḡgáne mbál mé mbéḡ níme nzé ríkwógé mbéleé mṗēēn ndutul, mbéḡéḡ-te mbál mémpēe.

16 Nyényín-ne nén bán nyéekábéé mesón, nyééḡéle-'é mam nēe bad ábe béēwōḡne Dyöb pónḡé ḡgáne Esao ámbenlé. Esao ansóm kunze eché ánwōḡḡé nēe mwān a'só á etútú é ebwḡg é ndyééd ehóḡ.

17 Nyéḡíí nén bán, ámbíḡ e nê, Esao ahedé'áá aá sáá ánamed mó, boḡ sáá ambán mó anamed. Kénée ánchíí'é bwámbwam, nzii enkēnbáá áḡḡḡen dyam áde démbenléd.

18 Nyékamten nén bán ḡm áde nyétyéémé bōōb ádíí a'só é' Dyöb. Nyétyéeméé nêḡgáne bad bé Israel béntyēēmḡ benben ne mbōōd e Sinai e nkōḡsé eché muú ní ḡḡíne mbíḡé'áá ámín. Adé béntyēēmḡ áhed, ḡḡḡḡen e ehíntén embé áhed, bín é'sūdēn áte, ekukud é ḡḡíne-'é étōme'.

19 Bénwōḡ esaád é eloḡ, béwōḡ-ke ehób. Mbwōḡ ní ḡḡíne ménkōb bó. Bénchāḡ Dyöb nén bán eehóbé' ámpē.

20 Bénchāḡ Dyöb nê, áyāle dyam áde ánlāā'é bó aá béḡel dénwōḡḡed bó mbwōḡ bwámbwam. Anhób aá, "Chōmchōm éekídtán enén mbōōd. Nzé ké nyam ekídténé chó, bélúm chó meláá kááḡ ewé."

21 Mekan níme bényínnē ménkōbḡ bó mbwōḡ bwámbwam. Mbwōḡ ménkōb kááḡne Mosēe. Anhób aá, "Mbwōḡ rínḡḡte me."

22 Boḡ nyéḡen, nyéḡedé benben ne mbōōd e Zayōn. Nyéḡedé bōōb á dyad áde Dyöb dé alonḡé. Adé dyad ádíí Jerusalem awé adé ámín. Awēd-te,

ángel bíib, éládné áte ne menyinje.

²³ Nyémpē nyépedé á nlatén m̄ bán bé'só bé Dyõb ábe Dyõb átélé m̄n ádyõb. Nyépedé w̄εε Dyõb áde ákáadte' moosyǎǎl. Nyépedé átíntê e e'dǎádǎŋ ábe bad bé bwám ábe Dyõb ábélé békwógnédé.

²⁴ Nyépedé w̄εε Yesue awě adé mod átíntê a bad ne Dyõb á melě mékǎǎlê. Nyépedé bǎǎb w̄εε Yesue ámwágtédé nyé nímē mekií. Mmē mekií mébágé syánē nsimé tómaa mekií níme Abelε. *

²⁵ Nyényín nén bán nyéekǎnléé Dyõb metúu tǎŋgene dyam áde álǎŋgeé nyé. Bad ábe bénkênwógén mod awě Dyõb dēmbanéé á nkõŋsé-te áléb bad, bēnkūd nkógsen. Ngáne bēnkudté nkógsen, syánē ámpē detǎŋgéné nkógsen akud nzé deewóge elébé éche ébídé ádyõb.

²⁶ Bǎǎd áde ánhǎbpē akan, nkõŋsé ménsǎgnēd ásē. Bǎǎb-pe ahóbé nén aá, “Mǎbēl nkõŋsé n̄sǎgnéd ámpē. Saá-kaá nkõŋsé mwēmpeŋ mēsǎgnēd, mēbēl kǎǎŋne ekombe é m̄n chǎmpē ésǎgnéd.”

²⁷ Ahób áde ahóbé aá, “Ámpē” álúmte' syánē nén bán Dyõb déhūd bwēm ésyǎǎl ábe bésǎgnēd ásē. Abé bwēm é'díi bwēm ábe áhágé. Abēl nē ábel bon bwēm ábe béesǎgnéd é'lyæg.

²⁸ Né-ǎǎ, désǎgnen Dyõb áyǎle nén abagé syánē mbwóg echē mod éheléé-se aságéd ásē. Désǎgnen Dyõb, débage-'ε mó edúbé nyaa echē ěwógéd mó menyinje. Débele-'ε nē ne mbwóg ne edúbé ésyǎǎl.

²⁹ Ne mbále, Dyõb ádēd ádíi néε muú níme níhyǎŋte chǎm ésyǎǎl.

* **12:24** Mekíí níme Abelε méhede' metuuten, bon mekií níme Yesue mépeene dásǎ alagsen.

13

Abé áde áwógte Dyöb menyinje

¹ Edənje é Bad bé Krīsto ébê ékag á'sō áfinté echên.

² Nyéebág bán nyéēkobéé bad beken pón dé ésyāāl. Doŋge á bad békékōb ángel nken, áde béebíí' é bán ángel chōó édé.

³ Nyékamten bad ábe bédé á mbwōg. Ebê byánán nyáābōo nyédé áwed. Nyékamtan-ne bad ábe békude metake ásē e bad bēmpēe. Ebê byánán nyémpē nyékude' nímé metake.

⁴ Mod-téé awě adé á ndáb e'wóngé ábage e'wóngé edúbé. Mod eekábé mesón á ebwōg. Nyéēchatán nén bán Dyöb dékāād bad ábe bēbele' e'tonje é' mekan ne ábe békábe mesón.

⁵ Nyéēsūmē nlém áyāle edənje é mōné, nyébé-'e menyinje ne kéchéé éche nyéwóó áyāle nén Dyöb áhóbé aá, "Méechenéé nyé mbéd, méebán-'aá nyé áyāl."

⁶ Né-óó, dehele dehób ne nlém n̄syāāl nén bán, "Dyöb dōó adé nwōŋene awēm, méebángé dyamdiam, cheé moonyon áhele ábēl me?"

⁷ Nyékamten bad ábe bélyágté'áá nyé bōód, ábe bēnkálé nyé eyale é Dyöb. Nyényín nsón níme abé ádāb ábélé. Nyéhíd nímāb mekuu, nyédúbe ngáne bōmpē bēndūbēē.

⁸ Yesu Krīstəə adé melemlen pón dé ésyāāl. Ngáne ámbēē chān, nē dōó ádíí chii, nē dō-'aá ábēē abé ne abé.

⁹ Nyéēmwāg-se ayáge ké áhéé áde áde nhəŋlén áhəŋlén nyé nlém á abum. Ebóó nén bán nsimé ní Dyöb múmó n̄wéde nyé áte saké mbéndé tən̄ene

adyé dé medyé. Echê mbéndé éēwōṅgānnē bad ábe béhíde ch́.

¹⁰ Dewóó menyán mé mendε míme beprise ábe bébage mendε á ebem é Dyõb béewóó'é kunze ádyé chõm áhed.

¹¹ Prise ambáámbáa, abage Dyõb mendε áyāle mbéb mí bad. Abelé atéd mekií mé nyam é mendε asólén mó á Hõm áde Atómténé Asáṅ. Bébelé bétéd ndim ní nyam pɛn, bébídén ámbíd e eyáde béhyáád mó.

¹² Nê d́o dēnkǎṅ boṅ Yesuε ámpē átag, awé ámbíd e e'ké é' dyad ábel boṅ nímē mekií mébel bad bésāṅ.

¹³ Né-ɔ́, syánē ámpē déke détán mó ámbíd e eyáde ábel boṅ syánē ámpē dékud e'són ábe ánkudté.

¹⁴ Déke détán mó áhed áyāle nén deewóó'é dyad áde ásúmnédé á nkõṅsé-te wén. Boṅ desumé nlem ábé á dyad áde áhúé' á'sõ.

¹⁵ Né-ɔ́, débê dékene Dyõb mbwiined ne Yesuε. Mmēd mekenag mébê nēṅgáne mendε míme débageé Dyõb. Dékag dékale' nén bán móó adé Sāṅgwéé.

¹⁶ Nyéēchatán nén bán, nyêtāṅgéné bwām abel wéε bad bémpēε. Kéchéé éche mod áwóó-'aá, áwōṅgan nhóg ne aníní. Echê ndín é mendε ch́o éwógte Dyõb menyinṅe.

¹⁷ Nyéwógne bad ábe bélyáṅte nyé, nyésuded-te yǎl ásē e nkamlɛn nímāb áyāle bóó bēnɔne nyé. Bétyēēm-me á'sõ é' Dyõb áláa mó ṅgáne bēnóné'áá nyé. Nyéwógne bó ábel boṅ bébê menyinṅe áṅɔn nyé. Esebé nê, né béwōṅ ndutul áṅɔn nyé. Né nê déewōṅgén-naá nyé.

18 Nyékânnad sé. Sébíí nén bán nlém ríkénlé sé á abum áyāle chōm ésyāāl éche sébéle. Séhedé'áá bán sébel chōm ésyāāl nyaa echě etāngéné.

19 Mbáde nyé achāḡ nén meé nyékânnad sé ábel nén Dyōb ábel níwámsen atim ámbīd ábé ne nyé ámpē.

Mekáne mé asóg

20 Dyōb dōo ábage' bad nsaḡ, dō-'áá ápúúdté Yesue, Sāḡgwéé awêd. Βοοb-ροό, Yesue adíi nées ndale a Nnōn-a-mbód awě bēbēnlédé mímē mekií ábel nchemten mbê á ngíndé ne á ngíndé, átíntē e Dyōb, ne éche mbód.

21 Nkânne nén meé, Dyōb ábel nyébê mbonḡsén ábel chōm-té éche áhedéé áá nyébel, nyébé-'e nyóḡgé ábel mam níme métāngéné. Yesue áwōḡgan nyé ábel mam níme méwóḡte Dyōb menyinḡe. Ehúmé ébê ne Yesu Krístəə abé ne abé. Ebê nê.

E'yale bé asóg

22 A-bānned, ncháa nyé meé, nyékoḡ échén elébé awóg. Enén kálag echě ríténlé nyé eéchabéé áte.

23 Ndəá meé nyébíi nén bán bēbídte mwānyan awêd, Timotiε, á mbwəḡ. Nzé awámséné me atán, né sūmō séēpě áwēn.

24 Nyélentéd me bad ábe bélyáḡte nyé bésyāāl, nyéleled-te bad bé Dyōb bésyāāl. Bad bé Dyōb bēmpēe ábe bēbídé á Italia, bómpē bélómmé nyé melentēn.

25 Nsimé ní Dyōb mbê ne nyé moosyāāl. Ebê nê.

Mel̥ Mékōōlē
New Testament in Akoose (CM:bss:Akoose)

copyright © 2011 Wycliffe Bible Translators, Inc.

Language: Akoose

Translation by: Wycliffe Bible Translators, Inc.

Akoose

bss

Cameroon

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Akoose

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

PDF generated using Haiola and XeLaTeX on 18 Apr 2025 from source files dated 29 Jan 2022

0143729f-907e-5098-b6ce-63b1629b8e48